

阿彌陀佛七念誦儀規

西方願文

蓮池大師

敬歸
明願攝受
標主

發起大心

懺除業障

立願自要

求佛冥加

淨業成就

臨終正念

感佛來迎

往生極樂

見佛得記

蒙記具德

成德利生

普皆回向

稽首西方安樂國 接引眾生大導師

我今發願願往生 惟願慈悲哀攝受

弟子○○普為四恩三有法界眾生求於諸佛一乘無上菩提道故專心持念

阿彌陀佛萬德洪名期生淨土

又以業重福輕障深慧淺染心易熾淨德難成今於佛前翹勤五體披瀝一心投誠懺悔我及眾生曠劫至今迷本淨心縱貪瞋癡染穢三業無量無邊所作罪垢無量無邊所結怨業願悉消滅從於今日立深誓願遠離惡法誓不更造勤修聖道誓不退惰誓成正覺誓度眾生

阿彌陀佛以慈悲願力當證知我當哀愍我當加被我願禪觀之中夢寐之際得見阿彌陀佛金色之身得歷阿彌陀佛寶嚴之土得蒙阿彌陀佛甘露灌頂光明照身手摩我頭衣覆我體使我宿障自除善根增長疾空煩惱頓破無明圓覺妙心廓然開悟寂光真境常得現前

至於臨欲命終預知時至身無一切病苦厄難心無一切貪戀迷惑諸根悅豫正念分明捨報安詳如入禪定

阿彌陀佛與觀音勢至諸聖賢眾放光接引垂手提攜樓閣幢幡異香天樂西方聖境昭示目前令諸眾生見者聞者歡喜感歎發菩提心

我於爾時乘金剛臺隨從佛後如彈指頃生極樂國七寶池內勝蓮花中花開見佛見諸菩薩聞妙法音獲無生忍於須臾間承事諸佛親蒙授記得授記已三身四智五眼六通無量百千陀羅尼門一切功德皆悉成就

然後不違安養回入娑婆分身無數徧十方刹以不可思議自在神力種種方便度脫眾生咸令離染還得淨心同生西方入不退地

如是大願世界無盡眾生無盡業及煩惱一切無盡我願無盡

願今禮佛發願修持功德回施有情四恩普報三有齊資法界眾生同圓種智

願生西方安樂國 見佛聞法悟無生 不違本誓入娑婆 咸共眾生成佛道

爐香乍爇 法界蒙熏 諸佛海會悉遙聞 隨處結祥雲 誠意方殷

諸佛現全身 南無香雲蓋菩薩摩訶薩 (三稱)

南無蓮池海會佛菩薩 (三稱)

佛說阿彌陀經

法會成就

如是我聞。一時佛在舍衛國祇樹給孤獨園。與大比丘僧千二百五十人俱。皆是大阿羅漢。眾所知識。長老舍利弗。摩訶目犍連。摩訶迦葉。摩訶迦旃延。摩訶俱絺羅。離婆多。周利槃陀伽。難陀。阿難陀。羅睺羅。憍梵波提。賓頭盧頗羅墮。迦留陀夷。摩訶劫賓那。薄拘羅。阿菟樓駄。如是等諸大弟子。并諸菩薩摩訶薩。文殊師利法王子。阿逸多菩薩。乾陀訶提菩薩。常精進菩薩。與如是等諸大菩薩。及釋提桓因等。無量諸天大眾俱。

爾時佛告長老舍利弗。從是西方過十萬億佛土。有世界名曰極樂。其土有佛號阿彌陀。今現在說法。

依正莊嚴

總標名義

舍利弗。彼土何故名為極樂。其國眾生。無有眾苦。但受諸樂。故名極樂。又舍利弗。極樂國土。七重欄楯。七重羅網。七重行樹。皆是四寶周匝圍繞。是故彼國名為極樂。

地樹莊嚴

池花莊嚴

又舍利弗。極樂國土。有七寶池。八功德水。充滿其中。池底純以金沙布地。四邊階道。金銀瑠璃玻瓈合成。上有樓閣。亦以金銀瑠璃玻瓈碑磬赤珠瑪瑙而嚴飾之。池中蓮花。大如車輪。青色青光。黃色黃光。赤色赤光。白色白光。微妙香潔。舍利弗。極樂國土。成就如是功德莊嚴。

妙供莊嚴

又舍利弗。彼佛國土。常作天樂。黃金為地。晝夜六時。雨天曼陀羅花。其土眾生。常以清旦。各以衣祴盛眾妙花。供養他方十萬億佛。即以食時。還到本國。飯食經行。舍利弗。極樂國土。成就如是功德莊嚴。

禽鳥演法

復次舍利弗。彼國常有種種奇妙雜色之鳥。白鶴孔雀鸚鵡舍利迦陵頻伽共命之鳥。是諸眾鳥。晝夜六時。出和雅音。其音演暢。五根五力。七菩提

分八聖道分。如是等法。其土眾生。聞是音已。皆悉念佛念法念僧。
舍利弗。汝勿謂此鳥實是罪報所生。所以者何。彼佛國土。無三惡道。
舍利弗。其佛國土。尚無惡道之名。何況有實。是諸眾鳥。皆是阿彌陀佛欲
令法音宣流。變化所作。

舍利弗。彼佛國土。微風吹動。諸寶行樹。及寶羅網。出微妙音。譬如百千種
樂。同時俱作。聞是音者。自然皆生念佛念法念僧之心。

舍利弗。其佛國土。成就如是功德莊嚴。

舍利弗。於汝意云何。彼佛何故號阿彌陀。

舍利弗。彼佛光明無量。照十方國。無所障礙。是故號為阿彌陀。

又舍利弗。彼佛壽命。及其人民。無量無邊阿僧祇劫。故名阿彌陀。

舍利弗。阿彌陀佛成佛以來。於今十劫。

又舍利弗。彼佛有無量無邊聲聞弟子。皆阿羅漢。非是算數之所能知。諸

菩薩眾亦復如是。

舍利弗。彼佛國土。成就如是功德莊嚴。

又舍利弗。極樂國土。眾生生者。皆是阿鞞跋致。其中多有一生補處。其數甚多。非是算數所能知之。但可以無量無邊阿僧祇說。

舍利弗。眾生聞者。應當發願。願生彼國。所以者何。得與如是諸上善人俱會一處。

修持正行

舍利弗。不可以少善根福德因緣得生彼國。

結勸往生

舍利弗。若有善男子善女人。聞說阿彌陀佛。執持名號。若一日。若二日。若三日。若四日。若五日。若六日。若七日。一心不亂。其人臨命終時。阿彌陀佛與諸聖眾。現在其前。是人終時。心不顛倒。即得往生阿彌陀佛極樂國土。

諸佛讚信

舍利弗。我見是利。故說此言。若有眾生聞是說者。應當發願。生彼國土。舍利弗。如我今者。讚歎阿彌陀佛。不可思議功德之利。

東方亦有阿閼鞞佛。須彌相佛。大須彌佛。須彌光佛。妙音佛。如是等恆河沙數諸佛。各於其國出廣長舌相。遍覆三千大千世界。說誠實言。汝等眾生。當信是稱讚不可思議功德。一切諸佛所護念經。

舍利弗。南方世界。有日月燈佛。名聞光佛。大焰肩佛。須彌燈佛。無量精進佛。如是等恆河沙數諸佛。各於其國出廣長舌相。遍覆三千大千世界。說誠實言。汝等眾生。當信是稱讚不可思議功德。一切諸佛所護念經。

舍利弗。西方世界。有無量壽佛。無量相佛。無量幢佛。大光佛。大明佛。寶相佛。淨光佛。如是等恆河沙數諸佛。各於其國出廣長舌相。遍覆三千大千世界。說誠實言。汝等眾生。當信是稱讚不可思議功德。一切諸佛所護念經。

舍利弗。北方世界。有焰肩佛。最勝音佛。難沮佛。日生佛。網明佛。如是等恆河沙數諸佛。各於其國出廣長舌相。遍覆三千大千世界。說誠實言。汝等

眾生當信是稱讚不可思議功德。一切諸佛所護念經。

舍利弗。下方世界。有師子佛。名聞佛。名光佛。達摩佛。法幢佛。持法佛。如是等恆河沙數諸佛。各於其國。出廣長舌相。遍覆三千大千世界。說誠實言。汝等眾生。當信是稱讚不可思議功德。一切諸佛所護念經。

舍利弗。上方世界。有梵音佛。宿王佛。香上佛。香光佛。大焰肩佛。雜色寶華嚴身佛。娑羅樹王佛。寶華德佛。見一切義佛。如須彌山佛。如是等恆河沙數諸佛。各於其國。出廣長舌相。遍覆三千大千世界。說誠實言。汝等眾生。當信是稱讚不可思議功德。一切諸佛所護念經。

聞法勸信

舍利弗。於汝意云何。何故名為一切諸佛所護念經。

舍利弗。若有善男子善女人。聞是經受持者。及聞諸佛名者。是諸善男子善女人。皆為一切諸佛之所護念。皆得不退轉於阿耨多羅三藐三菩提。是故舍利弗。汝等皆當信受我語。及諸佛所說。

舍利弗。若有人已發願。今發願。當發願。欲生阿彌陀佛國者。是諸人等。皆得不退轉於阿耨多羅三藐三菩提。於彼國土。若已生。若今生。若當生。是故舍利弗。諸善男子。善女人。若有信者。應當發願。生彼國土。

舍利弗。如我今者稱讚諸佛。不可思議功德。彼諸佛等亦稱讚我。不可思議功德。而作是言。釋迦牟尼佛。能為甚難希有之事。能於娑婆國土。五濁惡世。劫濁。見濁。煩惱濁。眾生濁。命濁中。得阿耨多羅三藐三菩提。為諸眾生說。是一切世間難信之法。

舍利弗。當知我於五濁惡世。行此難事。得阿耨多羅三藐三菩提。為一切世間說此難信之法。是為甚難。

佛說此經已。舍利弗及諸比丘。一切世間天人阿修羅等。聞佛所說。歡喜信受。作禮而去。

佛說阿彌陀經

拔一切業障根本得生淨土陀羅尼

往生咒

南無阿彌多婆夜 哆他伽哆夜 哆地夜他 阿彌利都婆毘 阿彌

唎哆 悉耽婆毘 阿彌唎哆 毘迦蘭帝 阿彌唎哆 毘迦蘭哆

伽彌膩 伽伽那 枳多迦利 娑婆訶

(三遍)

讚佛偈

阿彌陀佛身金色 相好光明無等倫

白毫宛轉五須彌 紺目澄清四大海

光中化佛無數億 化菩薩眾亦無邊

四十八願度眾生 九品咸令登彼岸

南無西方極樂世界大慈大悲阿彌陀佛

南無阿彌陀佛

回向偈

願生西方安樂國 見佛聞法悟無生

不違本誓入娑婆 咸共眾生成佛道

佛前上供

爐香乍爇 法界蒙薰 諸佛海會悉遙聞 隨處結祥雲 誠意方殷

諸佛現全身 南無香雲蓋菩薩摩訶薩 (三稱)

南無靈山會上佛菩薩 (三稱) (以下佛號 週而復始 稱念三遍)

南無常住十方佛 南無常住十方法

南無常住十方僧 南無本師釋迦牟尼佛

南無淨琉璃世界藥師佛 南無極樂世界阿彌陀佛

南無當來下生彌勒佛 南無十方三世一切諸佛

南無大智文殊師利菩薩 南無大行普賢菩薩

南無大願地藏菩薩 南無大悲觀世音菩薩

南無大勢至菩薩 南無法花會上眾菩薩

南無舍利弗尊者 南無目犍連尊者

南無法花會上聲聞賢聖僧 南無護法韋馱尊天菩薩

南無護法諸天菩薩

南無伽藍聖眾菩薩

南無歷代祖師菩薩

南無大聖緊那羅王菩薩

南無薩嚩怛他誡多嚩嚩枳帝唵。三跋囉。三跋囉。吽。

(三遍)

南無蘇嚕婆耶。怛他誡多耶。怛姪他唵。蘇嚕。蘇嚕。鉢囉蘇嚕。鉢囉蘇嚕。娑

婆訶。

(三遍)

此食色香味 上供十方佛 中奉諸聖賢 下及六道品

等施無差別 隨願皆飽滿 令今施者得 無量波羅蜜

三德六味 供佛及僧 法界有情 普同供養

唵。誡。誡。曩。三。婆。嚩。伐。日。囉。斛。

(三遍)

天廚妙供 禪悅酥醅 香花燈塗共果樂 虔誠奉佛陀 達摩僧伽

慈悲垂納受

南無禪悅藏菩薩摩訶薩。摩訶般若波羅蜜。

南無藥師會菩薩摩訶薩

(三稱)

南無藥師琉璃光如來

(三稱)

南無薄伽伐帝。鞞殺社。窣嚩。薜琉璃鉢喇婆。喝囉闍也。怛他揭哆也。阿囉
喝帝。三藐三勃陀耶。怛姪他。唵。鞞殺逝。鞞殺逝。鞞殺社。三沒揭帝。莎訶。

南無薩嚩怛他。誒多。嚩嚩枳帝。唵。三跋囉。三跋囉。吽。

(三遍)

南無蘇嚩婆耶。怛他誒多耶。怛姪他。唵。蘇嚩。蘇嚩。鉢囉蘇嚩。鉢囉蘇嚩。娑

婆訶。

(三遍)

唵。誒。誒。曩。三。婆。嚩。伐。日。囉。斛。

(三遍)

藥師海會 琉璃光王 八大菩薩降吉祥 七佛助宣揚 仗佛慈光

福壽永安康

願消三障諸煩惱

願得智慧真明了

普願罪障悉消除

世世常行菩薩道

南無香雲蓋菩薩摩訶薩

(三稱)

南無西天東土歷代祖師菩薩

(三稱)

般若波羅蜜多心經

觀自在菩薩行深般若波羅蜜多時。照見五蘊皆空。度一切苦厄。

舍利子。色不異空。空不異色。色即是空。空即是色。受想行識亦復如是。

舍利子。是諸法空相。不生不滅。不垢不淨。不增不減。是故空中無色。無受

想行識。無眼耳鼻舌身意。無色聲香味觸法。無眼界。乃至無意識界。無無

明。亦無無明盡。乃至無老死。亦無老死盡。無苦集滅道。無智亦無得。以無

所得故。菩提薩埵依般若波羅蜜多故。心無罣礙。無罣礙故。無有恐怖。遠

離顛倒夢想。究竟涅槃。

三世諸佛依般若波羅蜜多故。得阿耨多羅三藐三菩提。

故知般若波羅蜜多是大神咒。是大明咒。是無上咒。是無等等咒。能除一

切苦。真實不虛。故說般若波羅蜜多咒。即說咒曰。

揭諦。揭諦。波羅揭諦。波羅僧揭諦。菩提薩婆訶。

南無薩嚩怛他誡多。嚩嚩枳帝。唵。三跋囉。三跋囉。吽。
(三遍)

南無蘇嚩婆耶。怛他誡多耶。怛姪他。唵。蘇嚩。蘇嚩。鉢囉蘇嚩。鉢囉蘇嚩。娑

婆訶。
(三遍)

唵。誡誡曩。三婆嚩。伐日囉。斛。
(三遍)

潮海垂跡 尊勝慈光 香江重逢大願同 共建梵王宮 德業流芳

妙法正圓通 南無度人師菩薩摩訶薩摩訶般若波羅蜜

蒙山施食

南無本師釋迦牟尼佛

(三稱)

以下有※符號者稱念三遍

※ 若人欲了知 三世一切佛 應觀法界性 一切唯心造

破地獄真言

※ 唵。伽囉帝耶。娑婆訶。

普召請真言

※ 南無部部帝唎。伽哩哆哩。怛哆譏哆耶。

解怨結真言

※ 唵。三陀囉。伽陀。娑婆訶。

迎請三寶

※ 南無大方廣佛華嚴經

※ 南無常住十方佛 南無常住十方法 南無常住十方僧

南無本師釋迦牟尼佛 南無大悲觀世音菩薩

南無冥陽救苦地藏王菩薩 南無啟教阿難陀尊者

乘宣三歸

※ 歸依佛 歸依法 歸依僧

歸依佛兩足尊 歸依法離欲尊 歸依僧眾中尊

※ 歸依佛竟 歸依法竟 歸依僧竟

懺悔三業

※ 孤魂所造諸惡業 皆由無始貪瞋癡

從身語意之所生 一切罪障皆懺悔

事理誓願

※ 眾生無邊誓願度 煩惱無盡誓願斷

法門無量誓願學 佛道無上誓願成

※ 自性眾生誓願度 自性煩惱誓願斷

自性法門誓願學 自性佛道誓願成

滅定業真言

※ 唵鉢囉末鄰陀嚩娑婆訶

滅業障真言

※ 唵阿嚕勒繼娑婆訶

開咽喉真言

※ 唵步步底哩伽哆哩怛哆誑哆耶

三昧耶戒真言

※ 唵三昧耶薩埵鍍

變食真言

※ 南無薩嚩怛他誑哆嚩嚕枳帝唵三跋囉三跋囉吽

甘露水真言

※ 南無蘇嚕婆耶怛他誑哆耶怛姪他唵蘇嚕蘇嚕鉢囉蘇嚕鉢囉蘇嚕

娑婆訶。

一字水輪真言

※ 唵。鍐。鍐。鍐。鍐。鍐。

乳海真言

※ 南無三滿哆。沒馱喃。唵。鍐。

七如來聖號

※ 南無多寶如來 南無寶勝如來

南無妙色身如來 南無廣博身如來

南無離怖畏如來 南無甘露王如來

南無阿彌陀如來

結願正施

※ 神咒加持淨法食 普施河沙眾孤魂

願皆飽滿捨慳貪 速脫幽冥生淨土

歸依三寶發菩提 究竟得成無上道

功德無邊盡未來 一切孤魂同法食

※ 汝等孤魂眾 我今施汝供 此食遍十方 一切孤魂共

願以此功德 普及於一切 施食與孤魂 皆共成佛道

※ 唵·穆力陵·娑婆訶·

※ 唵·誡誡曩·三婆嘑·伐日囉·斛·

般若波羅蜜多心經◎

觀自在菩薩行深般若波羅蜜多時。照見五蘊皆空。度一切苦厄。

舍利子。色不異空。空不異色。色即是空。空即是色。受想行識亦復如是。

舍利子。是諸法空相。不生不滅。不垢不淨。不增不減。是故空中無色。無受

想行識。無眼耳鼻舌身意。無色聲香味觸法。無眼界。乃至無意識界。無無

明。亦無無明盡。乃至無老死。亦無老死盡。無苦集滅道。無智亦無得。以無

所得故。菩提薩埵依般若波羅蜜多故。心無罣礙。無罣礙故。無有恐怖。遠

離顛倒夢想。究竟涅槃。三世諸佛依般若波羅蜜多故。得阿耨多羅三藐

三菩提。故知般若波羅蜜多是大神咒。是大明咒。是無上咒。是無等等咒。

能除一切苦。真實不虛。故說般若波羅蜜多咒。即說咒曰。
揭諦。揭諦。波羅揭諦。波羅僧揭諦。菩提薩婆訶。

往生咒

南無阿彌多婆夜 哆他伽哆夜 哆地夜他 阿彌利都婆毗 阿彌

利哆 悉耽婆毗 阿彌利哆 毗迦蘭帝 阿彌利哆 毗迦蘭哆

伽彌膩 伽伽那 枳多迦利 娑婆訶

(三遍)

四生登於寶地 三有托化蓮池

河沙餓鬼證三賢 萬類有情登十地

阿彌陀佛身金色 相好光明無等倫

白毫宛轉五須彌 紺目澄清四大海

光中化佛無數億 化菩薩眾亦無邊

四十八願度眾生 九品咸令登彼岸

南無西方極樂世界大慈大悲阿彌陀佛 南無阿彌陀佛

讚佛偈

大回向

弟子○○○。現是生死凡夫。罪障深重。輪迴六道。苦不可言。今

遇知識。得聞阿彌陀佛。本願功德。一心稱念。求願往生。願

佛慈悲不捨。哀憐攝受。弟子眾等。不識佛身。相好光明。願

佛示現。令我得見。及見觀音勢至。諸菩薩眾。彼世界中。清淨

莊嚴。光明妙相等。令我了了。得見

阿彌陀佛。

南無阿彌陀佛

南無觀世音菩薩

南無大勢至菩薩

南無清淨大海眾菩薩

願我臨終無障礙。阿彌陀佛遠相迎

觀音甘露灑吾頭。勢至金臺安我足

一剎那中離五濁 屈伸臂頃到蓮池

蓮花開後見慈尊 親聽法音可了了

聞已即悟無生忍 不違安養入娑婆

善知方便度眾生 巧把塵勞為佛事

我願如斯佛自知 畢竟當來得成就

一心頂禮。宏揚淨樂土。釋迦如來。千百億化身。遍法界諸佛。

一心頂禮。常寂光淨土。阿彌陀如來。清淨妙法身。遍法界諸佛。

一心頂禮。實報莊嚴土。阿彌陀如來。微塵相海身。遍法界諸佛。

一心頂禮。方便聖居士。阿彌陀如來。解脫相嚴身。遍法界諸佛。

一心頂禮。西方安樂土。阿彌陀如來。大乘根界身。遍法界諸佛。

一心頂禮。西方安樂土。阿彌陀如來。十方化往身。遍法界諸佛。

一心頂禮。西方安樂土。教行理三經。及依正宣揚。遍法界尊法。

一心頂禮。西方安樂土。觀世音菩薩。萬億紫金身。遍法界菩薩摩訶薩。

一心頂禮。西方安樂土。大勢至菩薩。無邊光熾身。遍法界菩薩摩訶薩。

一心頂禮。西方安樂土。文殊菩薩。大智示現身。遍法界菩薩摩訶薩。

一心頂禮。西方安樂土。普賢菩薩。行願剎塵身。遍法界菩薩摩訶薩。

一心頂禮。西方安樂土。清淨大海眾。滿分二嚴身。遍法界聖眾。

自皈依佛。當願眾生。體解大道。發無上心。

自皈依法。當願眾生。深入經藏。智慧如海。

自皈依僧。當願眾生。統理大眾。一切無礙。

各人代為父母師長暨歷劫怨親禮佛三拜。求生淨土。阿彌陀佛。

維那呼

是日已過。命亦隨滅。如少水魚。斯有何樂。大眾

當勤精進。如救頭然。但念無常。慎勿放逸。

眾答 拜下

佛七圓滿日大回向及三皈後禮祖

頂禮西天東土歷代祖師。

頂禮天下宏宗演教諸大善知識。

頂禮初祖廬山東林遠公大師。

頂禮二祖長安光明導公大師。

頂禮三祖南嶽般舟遠公大師。

頂禮四祖五臺竹林照公大師。

頂禮五祖新定烏龍康公大師。

頂禮六祖杭州永明壽公大師。

頂禮七祖杭州昭慶常公大師。

頂禮八祖杭州雲棲宏公大師。

頂禮九祖北天目靈峰旭公大師。

頂禮十祖虞山普仁策公大師。

頂禮十一祖杭州梵天賢公大師。

頂禮十二祖紅螺資福醒公大師。

頂禮十三祖蘇州靈巖聖量印公大師。

頂禮古今蓮社宗師。

頂禮妙法堂上開山始祖洗公老和尚。

頂禮妙法堂上開山始祖金公老和尚。

頂禮主七和尚。

各人代為父母師長暨歷劫怨親禮佛三拜 求生淨土 阿彌陀佛

維那呼

是日已過 命亦隨滅 如少水魚 斯有何樂 大眾

當勤精進 如救頭然 但念無常 慎勿放逸。

眾答 拜下

南無蓮池會菩薩摩訶薩

(三稱)

南無西方接引阿彌陀佛

(三稱)

一心歸命。極樂世界阿彌陀佛。願以淨光照我。慈誓攝我。我今正念。稱如來名。為菩提道。求生淨土。佛昔本誓。若有眾生。欲生我國。志心信樂。乃至十念。若不生者。不取正覺。以此念佛因緣。得入如來大誓海中。承佛慈力。眾罪消滅。善根增長。若臨命終。自知時至。身無病苦。心不貪戀。意不顛倒。如入禪定。佛及聖眾。手執金臺。來迎接我。於一念頃。生極樂國。花開見佛。即聞佛乘。頓開佛慧。廣度眾生。滿菩提願。

南無阿彌多婆夜 哆他伽哆夜 哆地夜他 阿彌利都婆毗 阿彌

利哆 悉耽婆毗 阿彌利哆 毗迦蘭帝 阿彌利哆 毗迦蘭哆

伽彌膩 伽伽那 枳多迦利 娑婆訶 (三遍)

南無薩嚩怛他誡多嚩嚩枳帝唵 三跋囉 三跋囉 吽 (三遍)

南無蘇嚕婆耶。怛他誡多耶。怛姪他。唵。蘇嚕。蘇嚕。鉢囉蘇嚕。鉢囉蘇嚕。娑

婆訶。
(三遍)

唵。誡。誡。曩。三。婆。嚩。伐。日。囉。斛。
(三遍)

阿彌陀佛 無上醫王 巍巍金相放毫光 苦海作舟航 九品蓮邦

同願往西方

往生西方淨土中 九品蓮花為父母

花開見佛悟無生 不退菩薩為伴侶

是日已過。命亦隨滅。如少水魚。斯有何樂。大眾。

當勤精進。如救頭然。但念無常。慎勿放逸。

自皈依佛。當願眾生。體解大道。發無上心。

自皈依法。當願眾生。深入經藏。智慧如海。

自皈依僧。當願眾生。統理大眾。一切無礙。

南無伽藍聖眾菩薩

(三稱)

南無喝囉怛那哆囉夜耶。南無阿唎耶。婆盧羯帝。爍鉢囉耶。菩提薩埵。婆
耶。摩訶薩埵。婆耶。摩訶迦盧。尼迦耶。唵。薩皤囉罰曳。數怛那。怛寫。南無悉
吉。唵。埵伊蒙。阿唎耶。婆盧吉帝。室佛囉楞馱婆。南無那囉謹墀。醯利摩訶
皤哆沙咩。薩婆阿他。豆輸朋。阿逝孕。薩婆薩哆。那摩婆薩。哆那摩婆伽。摩
罰特豆。怛姪他。唵。阿婆盧醯。盧迦帝。迦羅帝。夷醯唎。摩訶菩提。薩埵。薩婆
薩婆。摩囉摩囉。摩醯摩醯。唎馱孕。俱盧俱盧。羯蒙度盧。度盧。罰闍耶帝。摩

訶罰闍耶帝。陀囉陀囉。地唎尼。室佛囉耶。遮囉遮囉。摩摩罰摩囉。穆帝隸。
伊醯伊醯。室那室那。阿囉唵佛囉舍利。罰娑罰唵。佛囉舍耶。呼嚧呼嚧摩
囉。呼嚧呼嚧醯利。娑囉娑囉。悉唎悉唎。蘇嚧蘇嚧。菩提夜菩提夜。菩馱夜
菩馱夜。彌帝唎夜。那囉謹墀。地利瑟尼那。波夜摩那。娑婆訶。悉陀夜。娑婆
訶。摩訶悉陀夜。娑婆訶。悉陀喻藝。室皤囉耶。娑婆訶。那囉謹墀。娑婆訶。摩
囉那囉。娑婆訶。悉囉僧阿穆佉耶。娑婆訶。娑婆摩訶阿悉陀夜。娑婆訶。者
吉囉阿悉陀夜。娑婆訶。波陀摩羯悉陀夜。娑婆訶。那囉謹墀皤伽囉耶。娑
婆訶。摩婆利勝羯囉夜。娑婆訶。南無喝囉怛那哆囉夜耶。南無阿唎耶。娑
嚧吉帝。爍皤囉夜。娑婆訶。唵。悉殿都。漫多囉。跋陀耶。娑婆訶。

伽藍讚

伽藍主者 合寺威靈 欽承佛敕共輸誠 擁護法王城 為翰為屏

梵刹永安寧 南無護法藏菩薩摩訶薩摩訶般若波羅蜜



妙法寺 香港新界屯門藍地青山公路18號